



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1857**

XCIII. Ein brieff Marggraff Friderichs, Churfürsten, Dorinne er dass Closter  
begifftiget mitt dem Eygenthumb der Dorffstadt Gamptze vnnd der Halben  
Hauell etc.

---

---

**Nutzungsbedingungen**

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

grothen Schonenuelde, Na Gadeſ borth duſendt Jar vierhundertt Jar, darna In deme ein vnd virtigheſten Jare, In ſunte Lucien dage, der hilgen Jungfrowen.

Collationata est hec Copia et concordat cum suo vero originali, quod attestor ego Erasmus Seidell, supradictus Notarius, hoc meo Chyrographo.

XCIH. Ein brieff Marggraſ Friderichs, Churfürſten, Dorinne er daſs Cloſter begiſtiget mitt dem Eygenthumb der Dorffſtadt Gramptze vnd der Halben Hauell etc.

Wir Fridrich, von Gots gnaden Marggraue zu Brandenburg, deſs heiligenn Romiſchenn Reichs Ertz-Cammerer vnd Burggraue zu Nürimberk, Bekennenn öffentlichenn mitt dieſem brieue vor vnſ, vnſer Erbenn vnd nachkommenn Marggreuen zu Brandenburg vnd ſonſt vor allermenniglich, Daſs wir Gotte dem Almechtigenn zu loben, Marien, ſeiner liebenn Mutter, vnd allem hemelſchenn here zu ehrenn vnd zu dinſte, auch vonn vnſer, vnſer Erbenn vnd nachkommenn ſelenn ſeligkeit vnd von befundern gnadenn willenn, dem ſeligenn Gotshaufe vnd der kirchenn deſs Cloſters Hemmelporthenn, Cifterſienſer Ordenſ, bei vnſer Stadt Lichenn gelegenn, dem Abt darſelbt, allenn ſeinenn mitbrudern vnd nachkommenn, Abtenn vnd Brudern, die Dorffſtadt zu Gramptzee mitt der haluenn hauelle, awſſlieſs vnd Inſlieſs, vnd ſunſt mitt allen waſſern, weſenn, weidenn, grefingenn, eckernn, holtzenn, puſchenn, heydenn vnd allenn Zugehorungenn zu einenn ewigenn vnd rechtenn Eigenthumb voreigendt, dieſelbenn dorffſtadt mitt allenn Iren obgenanthenn Zugehorungen vnſer liebenn getrewenn Heinrich, Conradt vnd vicke, gebruder, die Paſchdage genanth, vnd Otto Barſtorff vonn vnſ vnnd vnſer Herſchafft, der Marggrauelſchafft zu Brandenborch, zu rechtenn Manlehen gehabt vnd daſs dem genanthenn Cloſter vorkeuſt vnd vor vnſ williglichenn verlaſſenn habenn. Vnd wir voregenn auch dem obgenanthenn Abte, allenn ſeynenn mitbrudern vnd nachkommenn Ebtenn vnd Brudern deſs obgenanthenn Cloſters Hemmelporthenn die obengeſchriebenn Dorffſtadt Gramptzee mitt allen Iren obgenanthenn Zugehorungenn vnd gerechtigkeitenn, nichts aufgenommenn, zu einem ewigenn vnd rechtenn eigenthumb In krafft vnd macht dieſſes brieſſs, Alſo daſs der genanth Abt, ſeine mitbruder vnd alle Ire nachkommenn Abte vnd Brudere deſs vilgenanthenn Cloſters, daſs alleſs zu einem rechtenn eigenthumb habenn, behaldenn vnd zu ewigenn getzeitenn deſs gleich andernn Iren eigenthumbsgutherenn beſitzenn vnd gebrauchenn ſollen vnd mögenn, vngehindert vor vnſ, vnſern Erben vnd nachkommen vnd ſonſt vor allermenniglich. Hierbei vnd vber ſein gewefen alle getzeugenn der Hochgeborne vnſer lieber Ohem vnd Rath Herre Adolff, fürſt zu Anhalt vnd Graff von Aſchanien, vnd vnſer Rethen vnd lieben getrewen Werner von der Schulenburg, Ritter, vnſer Marſchalck, Hanſ von Arnim, vnſer Houbtman Im Vkerlande, Jürgen von Waldenfels, vnſer Cammermeiſter, Junge Otte vonn Slywen vnd gemeinlichen der gantze Rath vnſer Stadt Lichen. Vnd deſs zu Vrkunde haben wir vnſer Inſiegell an dieſſen brieſſ laſſenn hengen, der gegeben iſt zu Lichen, nach Godeſ geborth vierteinhundert Jar vnd darnach Im drei vnd vierzigſten Jare, am Montage Sandt Mertenſ deſs hielgenn Biſchoffs tage.

Collationata est hec presens Copia cum suo vero originali per me supradictum Notarium Erasmus Seydell et concordat cum eodem verbotenus, quod attestor hoc meo Chyrographo.